

Wwft BES i Regulashon di Sankshon

Splikashon riba e Lei pa prevení labamentu di plaka i finansiamentu di terorismo BES pa

- mediadornan den seguronan di bida
- kompanianan di invershon
- atministradornan di kapital

September 2021

Autoriteit Financiële Markten (AFM)

AFM ta hasi su mes fuerte pa merkadonan honesto i transparente.

Komo supervisornan independiente nos ta aportá na un bienestar finansiero duradero na Hulanda.

Kontenido

| | | |
|----------|--|-----------|
| 1 | Introdukshon | 5 |
| 2 | Kombatí labamentu di plaka i finansiamentu di terorismo | 6 |
| 2.1 | Kiko ta labamentu di plaka? | 6 |
| 2.2 | Kiko ta finansiamentu di terorismo? | 6 |
| 3 | E obligashonnan primordial di e Wwft BES | 7 |
| 4 | Balotashon di Rísiko (art. 1.9 (nobo)) | 8 |
| 5 | Maneho (art. 1.10 (nobo)) | 10 |
| 6 | Investigashon di cliente (art. 2.2) | 11 |
| 6.1 | Konfia den otro dunadó di servisio (art. 2.6) | 12 |
| 6.2 | Investigashon di cliente basá riba riesgo | 12 |
| 6.3 | Motibu i momentu di e investigashon di cliente (art. 2.3, art. 2.4, art. 2.7) | 12 |
| 6.4 | Identifikashon i verifikasi (art. 2.2, di dos punto, bou di a, art. 2.12) | 13 |
| 6.5 | E persona en kuestion na final i struktura di propiedat (art. 2.2, di dos punto, bou di b) | 14 |
| 6.6 | Representante (art. 2.2, di dos punto, bou di e i f) | 15 |
| 6.7 | Meta i naturalesa previsto (art. 2.2, punto dos, bou di c) | 16 |
| 6.8 | Fuente di e medionan (art. 2.2, di dos punto, bou di d) | 16 |
| 6.9 | Investigashon di cliente simplifiká (art. 2.8 (nobo)) | 17 |
| 6.10 | Investigashon di cliente intensifiká (art. 2.10) | 18 |
| 6.10.1 | Kliente ku físicamente no ta presente (art. 2.10, di dos punto) | 19 |
| 6.10.2 | PEP (art. 2.10, di tres punto (nobo)) | 20 |
| 6.11 | Evaluashon di riesgo a base di e cliente (art. 2.2, di dos punto, bou di d, jo. art. 2.5 (nobo)) | 21 |
| 7 | Kontròl kontinuo (art. 2.2, di dos punto, parti d, art. 2.5) | 23 |
| 8 | Raportá transakshonnan inkomun (art. 3.5) | 24 |

| | | |
|-----------|---|-----------|
| 9 | Otro eksigensianan | 26 |
| 9.1 | Estudio (art. 3.12 (nobo)) | 26 |
| 9.2 | Registrá i warda datonan di un investigashon di cliente (art. 2.13) | 26 |
| 10 | Regulashon di Sankshon (art. 3.13) | 27 |
| 10.1 | Obligashonnan di kompanianan finansiero | 28 |

1 Introdukshon

Reglanan spesífiko dirigí riba e dominio di labamentu di plaka i riesgo di finansiamantu di terorismo ta inkorporá den e Lei pa prevení labamentu di plaka i finansiamantu di terorismo BES (**Wwft BES**). E Wwft BES ta un medio importante pa prevení e uso di e sistema finansiero pa labamentu di plaka i finansiamantu di terorismo na Boneiru, St. Eustatius i Saba (islanan BES).

E Wwft BES ta kontené tantu e obligashon pa hasi e investigashon di cliente como e obligashon pa rapportá un transakshon inkomun (intenshonalmente). Punto di salida di e lei ta e aserkamentu di e kumplimentu basá riba riesgo i e supervishon riba e kumplimentu di lei i e reglanan basá ei riba. A base di normanan habrí e Wwft BES ta preskribí kiko e dunadó di servisio tin ku hasi den kuadro di e kombatimentu di labamentu di plaka i finansiamantu di terorismo. Ta keda na e dunadó di servisio pa yena e normanan habrí akí aserka di e berdadero kumplimentu di e lei akí. E Wwft BES a wòrdú adaptá dia 1 di yüli 2021 i ta kontené adishonal algun obligashonnan nobo. Teniendo kuenta ku e Wwft BES adaptá, AFM a revisá e manual aki. E kambionan i e aktualisashonnan ta inkluí den e manual.

AFM a redaktá e manual akí relashoná ku e Wwft BES pa brinda un maneho na dunadónan di servisio ku ta aktivo riba e islanan BES i ku ta bou di supervishon di Wwft BES di AFM pa kumplimentu di e obligashonnan a base di e Wwft BES i ta stimulá e kumplimentu ku eseí.

E meta di e manual akí ta pa:

- pa enfatisá riba e importansia di prevení i kombatí labamentu di plaka i finansiamantu di terorismo;
- duna un resúmen di e obligashonnan primordial for di Wwft BES;
- yuda e dunadónan di servisio pa kumpli ku e eksigensianan di Wwft BES dor di duna un splikashon práktiko ofer di aplikashon di e medidanan basá riba riesgo.

E manual akí no ta un dokumento hurídiko obligatorio òf un regla di maneho di AFM. Tin ku mira e documento akí como un splikashon riba e Wwft BES. E manual akí no tin e státus di lei i regulashon. E vishon deskribí no ta nesesariamente e único manera pa duna kontenido na e eksigensianan for di e Wwft BES. E ehèmpelnan menhoná den e manual akí no ta agotador, lo no semper ta konsiderá como suficiente i e intenshón ta pa solamente ilustrá algun eksigensianan pa lei. E dunadó di servisio ta liber pa di un otro forma duna kontenido na e eksigensianan for di e Wwft BES.

2 Kombatí labamentu di plaka i finansiamentu di terorismo

Labamentu di plaka i finansiamentu di terorismo ta forma un menasa serio pa e ekonomia di un pais i por influensiá e kresegmentu ekonómiko. E falta di un anti-régimen di labamentu di plaka efektivo ku ta kumpli ku normanan internashonal, por tin efektonan negativo pa tantu instansianan nashonal ku e komèrsio internashonal. Ademas, e solvencia, integridad i stabilitat di e sektor finansiero i e konfiansia den e sistema finansiero como totalidat por ser hinká den peliger dor di e aktividadnan di kriminalnan pa skonde e orígen di ganashi kriminal òf pa usa sén legal òf kriminal pa metanan terorista. Tantu e labamentu di plaka como e finansiamentu di terorismo ta influensiá e integridad i reputashon di e sektor finansiero di un pais den su totalidat i di e individual finansiero i otro dunadónan di servisio.

2.1 Kiko ta labamentu di plaka?

Labamentu di plaka ta realisá akshonnan ku e meta pa skonde e orígen di e ganashi ilegal hañá. Ganashinan ku ta ser usá pa laba plaka por bin for di diferente aktividadnan kriminal. E por trata di sén ku ta bini di froude òf ladronisia, sén di droga, òf sén ku ta bini di korupshon òf soborno. No ta semper asina ku sén kriminal lo ta sén na efektivo. E sén kriminal hañá (ya kaba) por ta giral tambe.

Den Karibe Hulandes labamentu di plaka ta kastigabel den e Código Penal BES den e artíkulonan 435a (labamentu intensionalmente), 435b (labamentu di kustumber) i 435c (labamentu di culpa). Labamentu di plaka ta un alegashon kastigabel independiente, kaminda kondena di un delito básiko, manera soborno, ladronisia, froude, komèrsio di droga òf hende, no ta nesesario.

Un dunadó di servisio mes tambe por ser hañá responsabel a base di e Código Penal BES pa labamentu di culpa. Esei por ehèmpel por ta e caso ora un dunadó di servisio risibí, ta poseé òf ta pasa sènnan ofer ku ta ganashinan di delitonan, òf ta envolví den òf ta konsehá ofer transakshonnan (finansiero) di sènnan asina, miéntras ku e dunadó di servisio rasonablemente mester sospechá ku e sènnan ta bini di un delito.

2.2 Kiko ta finansiamentu di terorismo?

Serka terorismo simplemente ta trata di menasa ku, preparashonnan òf akto di violensha òf aktonan ku ta kousa daño na e sosiedat òf interumpí' é for di un motibu ideológico.

E meta di terorismo ta pa implementá kambionan sosial òf pa influensiá toma di desishon político.

Den artíkulo 84a Código Penal BES ta ser indiká kua komportashon kastigabel ta ser konsiderá como un delito terorista. Den artíkulo 435e Código Penal BES e finansiamentu di terorismo ta ser hañá kastigabel.

E finansiamentu di terorismo en realitat ta un nòmber kolektivo pa diferente aktonan, ku finalmente tin como meta pa hasi aktividadnan terorista posibel. Otro for di labamentu di plaka no ta asina ku e orígen di e sén ta e problema, pero e meta pakiko e medionan ta ser usá i dor di ken e ta ser usá. Serka finansiamentu di terorismo no ta trata solamente di sosten finansiero, pero tambe por ehèmpel e entrega di produktonan òf servisionan. Serka e kombatimentu di finansiamentu di terorismo, e prevenshon di delitonan kastigabel ta hunga un ròl grandi tambe pa motibu di e konsekuensianan inadекuá di aktividadnan terorista.

3 E obligashonnan primordial di e Wwft BES

E Wwft BES ta dirigí su mes na e ‘dunadónan di servisio’ indiká. E alkanse di e konsepto ‘dunadó di servisio’ ta hopi amplio. AFM a ser nombrá como supervisor riba un kandidat di sorto dunadónan di servisio, konosí como mediadornan den seguronan di bida, kompanianan di invershon i administradornan di kapital. Tapesei e manual akí ta dirigí su mes riba dunadónan di e siguiente servisionan:

- intermediá ora di sera un seguro di bida kontra un premi manera ke men di den e Lei merkado finansiero BES (**Wfm BES**);
- aktua como kompania di invershon den sentido di e Wfm BES;
- duna un servisio di invershon (atministrashon di kapital) bou di kua ta ser komprondé:
 - risibí i pasa pedidonan di klientenan en relashon ku instrumentonan finansiero;
 - pa kuenta di e klientenan ei ehekutá pedidonan en relashon ku instrumentonan finansiero;
 - atministrashon di un kapital individual.

E dunadónan di servisio ta e entradanan di e sistema finansiero: esun ku ke hasi un transakshon finansiero of ke kambia balor, ta designá na e dunadónan di servisio aki.

E Wwft BES konosé dos obligashon núcleo pa dunadónan di servisio, ku ta e investigashon di cliente i e denunsio di transakshonnan inusual.

Na promé lugá nan mester hasi investigashon di cliente. Esaki nifiká ku nan, promé ku nan por kuminsá ku nan servisio, meste investigá e cliente i stipulá si nan ta forma un riesgo oumentá riba labamentu di plaka òf finansiamentu di terorismo. Haña konosementu i informashon tokante e identidat di e cliente, bolbe haña e persona en kuestion na final i stipulá e meta i e sorto di relashon komersial ta indespensabel pa rekonosé señalnan ku por indiká labamentu di plaka, e delítonan básiko skondí mará na ese, òf finansiamentu di terorismo. Buska informashon i kontrolá komportashon ta pèrkurá pa e dunadó di servisio haña un imágen mas kompletu di e cliente. Esaki ta di sumo importansha pa prevení labamentu di plaka òf finansiamentu di terorismo.

Investigashon di cliente mester tuma lugá basá riba riesgo. Esaki ta nifiká ku e investigashon di cliente mester ser konkordá riba e rískonan ku e tipo di cliente i e tipo di servisio ta trese kuné. For di esaki ta sali ku e dunadónan di servisio ta tuma e obligashonnan dor di e medidanan den kuadro di e investigashon di cliente, mester konkordá riba e riesgonan di e tipo i grandura di e propio kompania i e servisio, tambe riba e riesgonan di un cliente koncreto òf transakshon. Pa esaki e dunadónan di servisio mester kolektá datonan i sigurá nan mes bon di kiko e faktornan di riesgo lo por ta. E faktornan di riesgo akí ta wak entre otro riba e sorto cliente, manera di introdukshon di cliente, e producto òf transakshon, i e pais di orígen di e cliente òf pais di establesimentu di e cliente.

E di dos obligashon núcleo di e Wwft BES ta notifiká transakshonnan inusual na e Punto di notifikashon transakshonnan inusual: e Financial Intelligence Unit-Nederland (**FIU-NL**). Akaso ku un dunadó di servisio konsiderá e transakshon como inusual e dunadó di servisio ta mèldu esaki direktamente na FIU-NL riba su propio iniciativa. Den e regulashon Wwft BES tin indikatornan ku a ser inkorporá ora ku un transakshon meste ser konsiderá como inusual. E indikator mas importante - e sospecho di labamentu di plaka òf finansiamentu di terorismo – e dunadó di servisio mes mester evaluá ku ayudo di e sirkunstanshanan spesífiko promé ku e transakshon.

4 Balotashon di Rísiko (art. 1.9 (nobo))

Dunadónan di servisio meste prepará un balotashon propio di rísikonan riba labamentu di plaka i finansiamentu di terorismo i mantené aktual. Riba petishon e balotashon di rísiko aki meste wòrdú entregá na AFM. Riba e balotashon di rísiko aki e dunadó di servisio ta analisá e labamentu di plaka i rísikonan di finansiamentu di terorismo ku por presentá relashoná ku faktornan di rísiko ku ta konektá ku e tipo di cliente, produkto, servisio, transakshon i kanalnan di entrega i ku paisnan of teritorionan geográfiko. Despues e dunadó di servisio ta huzga e efektividat di e medidanan di kontrol ku ta pará frente di e rísikonan inherente aki, despues di kua e burakunan den e medidanan di kontrol eksistente aki por wòrdú determiná. Basá riba esaki e dunadó di servisio ta wak kua medidanan adishonal meste wòrdú tumá pa yena e burakunan. E balotashon di rísiko aki ta forma e base di e desaroyo di maneho, proseduranan i medidanan pa limitá e rísikonan identifiká i dominanan efektivamente (wak tambe kapitulo 5).

Faktornan di rísiko

Basá riba artíkulo 1.9 Wwft BES un dunadó di servisio meste disponí di un balotashon di rísiko i e meste nota e resultadonan di e balotashon di rísiko i mantene nan aktual. Esey ta nifika ku e balotashon di rísiko meste wòrdú adaptá ora ku por ehempel rísikonan nobo presentá. Di tur manera un dunadó di servisio meste sòru pa ora di traha un balotashon di rísiko tene kuenta ku e faktornan di rísiko relashoná ku e tipo di cliente, produkto, servisio, transakshon i kanalnan di entrega i ku paisnan of teritorionan geográfiko. Ehempelnan di e rísikonan aki ta mas splika aki bou, pero no ku intenshon pa kansansio.

Rísiko pa cliente

E dunadó di servisio tin, ora e ta traha e rísiko di cliente, e libertat di hasi su mes konsiderashon. Pero si tin kategorianan ku por bini ku rísikonan grandi, i ku por kondusi ku e institushon meste suma medidanan adishonal. Aki nos ta pensa riba 'high-net worth individuals' i klientenan ku profesionnan pa kua ta konta ku ta eksisti un relashon hopi serka ku labamentu di plaka i froude, manera por ehempel propiedat. Tambe por pensa riba klientenan ku ta (laga) hasi nan transakshonnan bou di sirkumstansianan no usual. Ta bai pa por ehempel kambia di dunadó di servisio ku frekuensia i ineksplikabel den diferente lokashonnan geográfiko.

Produkto-, servisio- i rísiko di transakshon

Tambe ora di determinashon di produkto-, servisio- i rísikonan di transakshon e dunadó di servisio tin e libertat pa hasi su mes konsiderashon. Pa determinashon di e sorto di rísikonan e dunadó di servisio por pensa entre otro riba produkton nobo of renobá/servisionan i teknologianan i produktonan crypto. Tambe traha huntu ku otro institutonan finansiero ku ta situá den un pais di rísiko por wòrdú identifiká como risiko mas haltu. Tambe pago di prima di seguro di bida ku plaka kesh por trese un rísiko mas haltu ku ne.

Rísiko di pais

Pa e rísiko di pais e dunadó di servisio ta tene kuenta ku pais i teritorionan ku por trese un rísiko haltu. Un institushon tin, na momentu di balota e rísiko di pais e libertat pa hasi su mes balotashon. Un indikashon por ta ku dor di fuentenan independiente e korupshon of e tamaño di otro aktividatnan kriminal den un pais òf territorio geográfico por wòrdú identifiká como grandi (por ehempel basá riba e Corruption Perception Index van Transparency International). Di tur manera e dunadó di servisio, den e kasos aki, meste tene kuenta ku publikashonnan di Financial Action Task Force (**FATF**) den kua nan ta identifiká diferente paisnan i teritorionan di rísiko ku den un nivel insuficiente a traha un sistema pa evitá labamentu di plaka i finansiamento di terorismo. Por haña e publikashonnan riba e página di web di FATF i nan ta wòrdú revisá tur aña den febrüari, yuni i oktober (si tin indikashon pa esey). Ta spera di dunadónan di servisio ku nan ta na altura di e contenido di e publikashonnan aki i ta tuma medidanan apropiá si esey ta nesesario. Tambe paisnan kontra kua Nashonnan Uní òf Union Europeo a pone sankshonnan ta wòrdú konsiderá paisnan di rísiko haltu.

Rísikonan inaseptabel

Tambe dunadónan di servisio meste traha i establesé maneho pa den kasos di klientenan ku ta forma un rísiko inaseptabel. Si tin kasos di rísikonan inaseptabel, e dunadó di servisio no por aseptá e cliente, òf kaminda ta nesesario e meste termina e relashon eksistente ku e cliente. Pa garantísá ku na un manera adekuá por tuma despedida di klientenan eksistente, e dunadó di servisio ta traha un maneho pa saka un cliente. Aki den e ta pone bou di kua sirkumstansianan i segun kua prosedurana i termino ta terminá e relashon ku e cliente. Algun ehempel di rísikonan inaseptabel ta:

- relashonnan (potensial) ku ta riba listanan di Sankshon;
- personanan natural i personanan legal di kuanan tin e sospecho ku nan ta envolví den un organisashon kriminal;
- kliéntenan ku ta desea di keda anonimo òf ta duna identidadnan falsa;
- klientenan ku ta ninga di duna e dokumentonan di informashon legítimo rekerí.

E setup di e balotashon di rísiko

E stapnan ku un dunadó di servisio ta tuma pa identifiká i huzga labamentu di plaka i rísikonan di finansiamento di terorismo den su negoshi, meste koresponde na e tipo i grandura di trabounan ku e dunadó di servisio ta hasi. Si un dunadó di servisio no ta ofrese produktonan i servisionan kompliká, tin un limitashon i no ta eksponé internashonal, e balotashon di rísiko no meste ta kompliká òf avansá. Loke ta di importansia ta ku ta bisto loke pa e dunadó di servisio ta e rísikonan i te kon leu nan ta wòrdú dominá pa e medidanan di dominio, por ehempel e ehekutamento skérpi di investigashon di cliente den kasos di un rísiko haltu.

Importante na ora di prepará un balotashon di rísiko ta ku e rísikonan no ta wòrdú formulá muchu general, i ta dirigi riba e disposishon di e dunadó di servisio. Den un balotashon di rísiko por ehempel e potensial rísiko general di PEPnan ('politically-exposed person') no ta wòrdú deskribí, pero ta hasi e pregunta si e dunadó di servisio tin PEPnan den su grupo di cliente, i si ta asina, si ta PEPnan lokal of internashonal, i kua rísiko spesifiko esaki ta trese ku ne. E rísikonan meste wòrdú kalkulá real dor di e dunadó di servisio. Esaki ta nifiká ku rísikonan no stándart sin motivashon ta wòrdú balotá 'abou'.

5 Maneho (art. 1.10 (nobo))

Basá riba artíkulo 1.10 Wwft BES (nobo) dunadónan di servisio meste disponé di liñanan di konduktá, prosedurana i medidanan pa limitá e rísikonan riba labamentu di plaka i finansimentu di terorismo i dominá nan efektivamente, segun e fuente i grandura di e negoshi. E rísikonan a wórdú traha visiblemente dor di e balotashon di rísiko ku e dunadó di servisio a ehekutá (ex artíkulo 1.9 Wwft BES). Huntu ku e propio balotashon di rísiko, meste hinka tambe e balotashon di rísiko nashonal BES (NRA BES)¹ den e maneho. Esaki ta un análisis nashonal di rísiko pa por determiná labamentu di plaka (i den un grado menos finansimentu di terorismo) na e islilan BES (wak artíkulo 1.14 Wwft BES (nobo)). Ku frekuensia meste evalua e maneho, tambe basá riba aktualisashon di NRA BES.

E maneho meste wórdú traha den prosedurana kla i fasil pa alkansá pa entre otro e profil di rísiko di klientenan (por ehempel un lista di rísiko basá riba kua klientenan den kategoria di rísiko ta wórdú reparti), kontrol konstante i kontrolnan relashoná ku PEP's regulashon di sankshon. Tambe e maneho ta kontene un splikashon kla i alokashon di funshonnan, outoridatnan i responsabilidatnan di e dunadó di servisio.

Si e dunadó di servisio ta forma parti di un grupo, e dunado di servisio meste tene su mes basá riba artíkulo 1.12 Wwft BES (nobo) na liñanan di konduktá i prosedurana na e nivel balido pa e grupo na un manera efektivo, te asina leu ku nan ta kumpli ku reglanan pone den e Wwft BES.

Organisá operashon di kompania

Dunadónan di servisio meste, basá riba artíkulo 1.11 Wwft BES (nobo), apuntá un di e personanan ku ta regla e maneho diario di e dunadó di servisio como responsabel pa implementá e Wwft BES. E persona aki ku ta determina e maneho tur dia, meste ta responsabel serka e dunadá di servisio pa kumplimentu ku e Wwft BES. E kódigonan di konduktá, prosedurana i desishonnan ta wórdú aprobá pa personanan ku ta determiná e maheho diario di e dunadó di servisio. Tambe dunadónan di servisio ta obligá pa, depende di e tipo i tamaño di e dunadó di servisio su negoshi, tin persona pa e funshon di compliance i di chèk buki di finansia.

Na sorto i tamaño ta bai pa un kombinashon di faktornan, pues no solamente e tamaño di e dunadó di servisio basá riba kantidat di trahadonan, pero tambe por ehempel kantidat di klientenan, kantidat di klientenan estranhero òf klientenan di rísiko i sorto di produktonan.

E funshón di compliance ta dirigí riba kontrolá pa kumpli ku reglanan di lei i reglanan interno ku e institushon mes a traha. Ta opvio ku e evaluashon i aktualisashon di e balotashon di rísiko i maneho ta wórdú implementá pa e compliance. Ademas e persona ku tin e funshon di compliance ta responsabel pa rapportá transakshonnan inusual, i duna e informashonnan nesesario na FIU-NL. Esaki no ta nifiká ku e notifikasiion no por wórdú kordiná ku otro hende, manera e personanan ku ta kordina e maneho diario.

Si esaki ta proporsional na e tipo i tamaño di e institushon, meste tambe di un funshonario pa kontrolá buki finansiero. Pa implementashon di e Wwft BES e funshonario ku ta kontrola buki finansiero meste kontrolá e kumplimentu ku e Wwft BES dor di e dunadó di servisio i tambe e ehekushon di trabou di e funshonario di compliance separá.

¹ Ata aki e link ku ta bai NRA BES 2019:
https://www.google.com/url?sa=t&rct=j&q=&esrc=s&source=web&cd=&ved=2ahUEwjeu57GwlXxAhULA2MBHQ_7AQIQFjAEegQIBhAE&url=https%3A%2F%2Fwww.rijksoverheid.nl%2Fbinaries%2Frijksoverheid%2Fdocumenten%2Fkamerstukken%2F2020%2F07%2F03%2Fcahier-national-risk-assessment-witwassen%2Fcahier-national-risk-assessment-witwassen.pdf&usg=AOvVaw08DVqsZDD-wzNGYRpO_ez0

6 Investigashon di cliente (art. 2.2)

Pa prevenshon di envolvimentu aserka di labamentu di plaka i e finansiamentu di terorismo dunadónan di servisio ta ehekutá un investigashon di cliente konsiderando tur su klientenan. E Wwft BES ta apliká un norma habrí aserka di e obligashon pa realisá e investigashon di cliente. Esaki ta nifiká ku e lei no ta preskribí eksaktamente kon un investigashon di cliente mester tuma lugá, pero si na unda e investigashon mester kondusí finalmente.

E dunadó di servisio meste tuma medidanan apropiá pa sigurá ku e datonan akumulá tokante di e cliente, e ultimo beneficiario di e cliente i representante di e cliente ta bon i kompletu i mantene aktual (artíkulo 2.2, di seis punto (nobo). E dunadó di servisio ta hasi e investigashon di cliente verifikasi riba rísiko sensitivo pa labamentu di plaka òf finansiamentu di terorismo i ta wak aki na e tipo di cliente, relashon di negoshi, produpto òf transakshon (artíkulo 2.2, di tres punto (nobo). Verifikasi ta nifiká ku tur informashon meste wòrdú notá ku ta nesesario pa demonstrá ku a hasi un investigashon di cliente. E dunadó di servisio tambe mester por demostrará aserka di e investigashon di cliente di kua manera e riesgonan riba labamentu di plaka i finansiamentu di terorismo ta envolví. E dunadónan di servisio ta obligá di formulá un profil di riesgo di kada cliente ku nan a sera un relashon komersial kuné (artíkulo 2.5). AFM ta spera di e dunadónan di servisio ku for di failnan di cliente tambe ta sali na kla pakiko e cliente a risibí un sierito profil di riesgo.

Ora tin duda si datonan ku a ser hañá anteriormente ta fielmente òf suficiente, adishonalmente mester realisá investigashon di cliente. Ta prohibí pa un dunadó di servisio sera un relashon komersial òf ehekutá un transakshon pa un cliente den kaso ku e no a realisá un ivestigashon di cliente òf den kaso ku e investigashon di cliente no a kondusí na e resultado deseá (artíkulo 2.4, punto dos).

Den kaso ku e dunadó di servisio ya kaba tin un relashon komersial ku e cliente i e dunadó di servisio no por kumpli ku sierito eksigensianan di e investigashon di cliente, e dunadó di servisio ta terminá e relashon komersial ei (artíkulo 2.4, punto tres).

Kua pasonan bo ta tuma den e investigashon di cliente?

- 1 E identitat di e cliente a ser verifikasi? Esaki mester sosodé a base di dokumentonan ku ta konfiabel i ku ta bin di fuente independiente.
- 2 Bo a stipulá si e persona ku ta representá bo pa loke ta konserní e cliente ta autorisá pa eseí? Bo a verifikasi e identitat di e representante?
- 3 Bo sa ken tin interes di propiedat òf poder di desishon riba e cliente? E persona en kuestion na final? Bo a verifikasi e identitat di e persona en kuestion na final?
- 4 Bo tin idea di e struktura di propiedat i poder di desishon di e cliente i bo ta komprondé esaki?
- 5 E meta i e sorto di relashon a ser stipulá? Por ehèmpel, bo sa dikon e cliente ta aserká bo i e servisio puntrá ta kuadra ku e cliente?
- 6 Bo a kontrolá si e fuente di medionan ku ta ser usá na e servisio ta bin di fuente legal?
- 7 Bo a formulá un profil di riesgo di e cliente kaminda ta tene kuenta ku tur informashon ku bo a risibí for di e investigashon?
- 8 Bo ta realisá un kontrol kontinuamente riba e relashon komersial ku e cliente i e transakshonnan ku mester ser ehekutá, kaminda den kaso ku mester bo ta hasi investigashon riba e fuente di medionan?

6.1 Konfia den otro dunadó di servisio (art. 2.6)

Den artíkulo 2.6 ta reglá ku dunadónan di servisio bou di kondishonnan por bai tras di investigashon di cliente ku a ser ehekutá dor di sierotro otro dunadónan di servisio. Un dunadó di servisio por bai tras di investigashon di cliente ku a ser ehekutá dor di un otro dunadó di servisio si el a risibí datonan relevante di e cliente konserní di e otro dunadó di servisio. E partido akí mester ta un dunadó di servisio indiká ku ta kai bou di e Wwft BES.

E artíkulo akí ta konsiderá tantu e situashon ku un dunadó di servisio ta prosedé serka e dunadó di servisio ku ta risibí, como e caso kaminda un dunadó di servisio ta introdusí un cliente serka un otro dunadó di servisio. E último aki sigur lo ta e caso serka mediadornan den seguronan di bida ku ta introdusí klientenan serka por ehèmpel aseguradornan i atministradornan di kapital.

Den caso ku e cliente a ser introdusí dor di un otro dunadó di servisio, por ehèmpel un mediador, e dunadó di servisio ta tuma ofer e datonan di e investigashon di cliente di e otro dunadó di servisio. E partido akí mester ta un dunadó di servisio indiká ku ta kai bou di Wwft BES. E dunadó di servisio introdusí por ta un abogado, notario, notario-kandidato ku ta establecé na e islana BES, óf un instansha di invershon, asegurador di bida, mediador den seguronan di bida, instansha di krédito óf ofisina di transakshon di sèn ku ta disponé di un permiso a base di Wfm BES.

E medidanan di e investigashon di cliente di e otro dunadónan di servisio mester ta di tal kalidat ku por konfia riba esaki. Es desir ku semper e dunadó di servisio mes ta keda responsabel pa e investigashon di cliente, tambe si (un parti di) e investigashon a ser tumá over dor di un otro dunadó di servisio. E dunadó di servisio, semper mes lo mester traha un evaluashon di riesgo di e cliente i ehekutá kontròl kontinuamente (artíkulo 2.5).

6.2 Investigashon di cliente basáriba riesgo

Promé ku kuminsá ku un relashon komersial óf e ehekushon di un transakshon e dunadó di servisio mester ehekutá un evaluashon di riesgo di e cliente individual. Importante ta ku e dunadó di servisio ta forma un ímagen kla pa su mes di e riesgonan ku ta mará na un cliente, e aktividadnan, servisio i transakshonnan ku ta ser ehekutá. P'esei un profil di riesgo di e cliente ta ser formulá i esaki ta ser mantené aktual kontinuamente. E informashon na benefisio di e mantenshon aktual di e profil di riesgo ta ser kolektá durante e mantenshon di e relashon komersial ku e cliente i pa transakshonnan ku tin ku ehekutá pa e cliente akí. Serka di eseí fuentenan manera e reportahe desde e Financial Action Task Force (**FATF**) i e Europese Unie (**EU**) en relashon ku hurisdikshon ku riesgo haultu tambe ta ser hibá den definision di e profil di riesgo di klientenan kaminda ta relevante.

Den caso ku ta trese dilanti ku tin un riesgo abou pruebá ku ta sigui for di e evaluashon di riesgo, por limitá ku un investigashon di cliente simplifiká (mira paragraf 6.9). Den caso ku ta trese dilanti ku un riesgo haultu ta resultá, e ora ei un investigashon di cliente intensifiká mester ser ehekutá (mira paragraf 6.10). Den caso ku ta trese dilanti ku no tin un riesgo haultu óf abou pruebá, e ora ei e dunadó di servisio mester ehekutá un investigashon di cliente conforme artíkulo 2.2 (mira paragraf 6.4 i otro). Ta keda na e dunadó di servisio pa e mes disidí kua profunditat mester di e investigashon. Esei por nifiká ku mas informashon mester ser kolektá.

6.3 Motibu i momentu di e investigashon di cliente (art. 2.3, art. 2.4, art. 2.7)

Un dunadó di servisio ta realisá e investigashon di cliente den caso ku e ta bai konsiderá un relashon komersial den óf desde e islana BES óf ta realisá un transakshon insidental na benefisio di e cliente.

E investigashon di cliente tambe mester ser ehekutá (di nobo) si den caso tin indikashonnan ku e cliente ta envolví den labamentu di plaka óf finansiamentu di terorismo; den caso ku e dunadó di servisio ta duda den e konfiabilitat di datonan ku a ser hañá anteriormente di e cliente; óf den caso ku e riesgo di envolvimentu di un cliente eksistente den labamentu di plaka óf finansiamentu di terorismo ta duna motibu p'esei.

E regla prinsipal di artíkulo 2.4 ta ku e dunadó di servisio ta ehekutá e investigashon di cliente promé ku e ehekutá un transakshon insidental òf ta dreinta den un relashon komersial. Artíkulo 2.7 ta duna un posibilidat pa finalisá e investigashon di cliente den un fase mas despues den kaso ku esaki ta nesesario pa no stroba e servisio. Ta pèrmití esaki solamente den kaso ku ta papia di un riesgo ku ta probá di ta abou i ku e investigashon di cliente ta ser finalisá mas pronto posibel despues di e promé kontakto.

6.4 Identifikasihon i verifikasihon (art. 2.2, di dos punto, bou di a, art. 2.12)

E cliente ta esun ku ken ta kuminsá un relashon komersial òf ku ta ehekutá un transakshon. Bou di cliente ta kai, ora di intermediá den seguronan di bida manera ke men den e Wfm BES, mas bien esun ku ta paga e premi i tambe na esun ku e pago ta ser hasí. Por pensa aki riba por ehèmpel un kompania ku ta sera un seguro di bida kolektivo pa su trahadónan. E kompania ta paga e premi i mester ser konsiderá como cliente. Ora di pago mester wak na ken esaki ta sosodé. Mayoria bes ta pariente di defuntu di e trahadó. Nan tambe ta ser konsiderá como cliente. E dunadó di servisio den kuadro di e investigashon di cliente semper mester verifiká e identitat di e cliente.

Artíkulo 2.12 ta trata tokante e manera riba kua e verifikasihon di e identitat di e cliente mester tuma lugá. Akinan ta distinguí e tipo di persona i e orígen di persona. E regla básiko ta ku e verifikasihon ta tuma lugá ku ayudo di dokumentonan, datonan òf informashonnan for di fuente konfiabel i independiente.

Dokumentonan a base di kua e verifikasihon di e identitat di **personanan natural** por tuma lugá ta:

- un di e siguiente nan, den e pais di repartishon di dokumentonan válido:
 - un rèibewès;
 - un karchi di identifikasihon;
 - un dokumento di biahe òf un pasport;
- e original di e permiso di estadia válido, kompañá pa un pasport;
- un kopia di un permiso di estadia válido, kompañá pa un kopia di un pasport válido i un deklarashon di e autoridatnan otorisá einan.

Pa e verifikasihon di e identitat di un **persona hurídiko** ku a ser fundá na e derecho di un di e islanan-BES ku tin su asiento einan òf un persona hurídiko di eksterior ku ta establecé riba un di e islanan-BES, e verifikasihon por tuma lugá ku ayudo di e siguiente dokumentonan:

- un ekstrakto ku ta sertifiká for di e registro di Kámara di Komërsio i Industria;
- un akta òf un deklarashon, redaktá i entregá dor di un abogado ku ta establecé na un entidat público, notario òf kandidato-notario.

Pa e verifikasihon di un identitat di un **persona hurídiko di eksterior** ku no ta establecé riba un isla-BES e verifikasihon por tuma lugá ku ayudo di e siguiente dokumentonan:

- un ekstrakto ku ta sertifiká for di e registro di un instansha ku ta komparabel ku Kámara di Komërsio i Industria;
- un deklarashon, entregá dor di un di e funshonario independiente di e cliente, manera un notario òf un abogado, for di e pais di orígen, ku por garantísá suficiente e konfiabilitat di e deklarashon aki a base di e tipo di funshon.

Den e ekstrakto òf e deklarashon akí e siguiente datanon mester ser tumá:

- **di e persona hurídiko**
 - e forma hurídiko;
 - e nòmber di statüt;
 - e nòmber di komèrsio;
 - e adrès kompletu;
 - e lugá di establesimantu;
 - pais di asiento; i
den kaso ku e persona hurídiko ta registrá na un Kámara di Komèrsio i Industria, òf instansha komparabel;
 - e number di registrashon i e pais òf teritorio insular kaminda un tal Kámara, òf instansha komparabel ta instituí.
- **di tur apoderadonan i representantenan:**
 - e nòmber;
 - e fecha di nasementu; i
 - e dokumento a base di kua identifikashon a tuma lugá.

Investigashon di cliente ku tin di aber ku personanan hurídiko di eksterior den práktika por ta kousa di problemanan. Es desir ku den algun pais no ta eksistí un registro di komèrsio (ku ta funshoná bon) i tambe pa haña un akta notarial no ta semper posibel òf solamente ku hopi esfuerzo. Tapesei a skohe pa un aserkamentu fleksibel kaminda un dunadó di servisio por verifiká e identitat ku ayudo di dokumentonan di tráfiko internashonal ku ta comun. Un dunadó di servisio mes mester demostrá na e supervisor ku tabata hustifiká pa konfia riba sierito dokumentonan.

6.5 E persona en kuestion na final i struktura di propiedat (art. 2.2, di dos punto, bou di b)

Un parti di e investigashon di cliente ta identifiká e persona en kuestion na final i tuma medidanan adekuá pa verifiká su identitat. Den kaso ku e cliente ta un persona hurídiko, e dunadó di servisio mester tuma medidanan apropiá pa haña komprehension den e struktura di propiedat i poder di desishon di e cliente.

E persona en kuestion na final ta e persona natural ku na final ta e propietario di òf tin poder di desishon riba un cliente, ke men e persona natural, pa su cuenta, un transakshon òf aktividad ta ser ehekutá. E dos kriteria ku ta di importansha pa kualifiká como e persona en kuestion, ta trata mantené e propiedat final òf tin e poder di desishon na final di un cliente, via di mantenshon di e parti, derechonan di voto, interes propio òf otro medionan.

Un persona natural meste wòrdú konsiderá como ultimo beneficiario si e persona ey:

- tin un partisipashon formal direkto òf indirekto di mas ku 25%;
- por ehersé su partisipashon básicamente.

Den algun kasonan spesifiko, personanan ku ta pertenesé na e personal mas haltu ku ta duna guia, (manera e gerente- òf partnernan)por wòrdú registrá como ultimo beneficiario(nan) (E asina yama “Pseudo-UBO”). Manera ora ku a base di shares, derecho di vota òf propiedat no por haña e ultimo beneficiario. E areglo aki ta garantísá ku pa kada persona legal por registrá un ultimo beneficiario. E apuntamentu di e personal mas haltu ku ta duna guia ta un ultimo opshon i por solamente despues di purba tur medio posibel pa haña e ultimo beneficiario i bou di kondishon ku no tin base pa ningun sospecho, òf no tin ningun duda ku e ultimo beneficiario berdat ta e berdadero doño òf tin outoridat.

Pa por implementá e konsepto aki meste kompronde bou di ‘personal mas haltu ku ta duna guia’ e maneho estatutorio kompleto di e cliente i/òf tur e partnernan di un asosiashon.

E identifikashon di e persona en kuestion na final ta hunga un ròl si e cliente di e dunadó di servisio ta un entidat hurídiko. Mester ta kla kua persona natural - al final – ta tras di e entidat hurídiko. E dunadó di servisio mester tuma medidanan adekuá pa ta sigur ku e identitat duná di e persona en kuestion na final ta kuadra ku e identitat real, tambe e sorti i grandura di e interes tené na final.

E dunadó di servisio den kuadro di e investigashon di cliente semper mester hasi esfuerzo pa verifiká e identitat di e persona en kuestion na final. Verifikashon di e identitat ta sosodé ku ayudo di dokumentonan, datonan òf informashonnan di fuente konfiabel, por ehèmpel un pasport válido, un karchi di identifikashon válido òf un rèibewèis válido. E profunditat di e medidanan pa verifiká e identitat por ser konkordá riba e riesgo riba labamentu di plaka i finansiamentu di terorismo di e relashon komersial spesífico òf transakshon. Esaki ta nifiká na ora di un riesgo haltu, e dunadó di servisio ta basa e verifikashon riba e identitat di e persona en kuestion na final riba dokumentonan sertifiká i informashon for di fuente konfiabel i independiente. Hasi informashon eksklusivo di e persona en kuestion na final serka e cliente no ta suficiente pa verifiká e identitat di e persona en kuestion na final.

Serka strukturana di sosiedat e punto di salida ta ku e dunadó di servisio konosé e struktura di propiedat i poder di desihon di e cliente i tambe ta komprondé esaki. Esaki ta nifiká por ehèmpel ku serka di un struktura kompliká ku ta konsistí di hopi kompanianan, e dunadó di servisio ta ehekutá mas esfuerzo pa komprondé e struktura (internashonal) akí di e cliente ku pa un sosiedat simpel ku un akshonista.

6.6 Representante (art. 2.2, di dos punto, bou di e i f)

E dunadó di servisio mester tuma medidanan apropiá pa verifiká si e cliente ta aktua riba su mes, kemen pa un terser persona. Tambe e persona natural ku ta representá e cliente, mester ser indentifiká i su identitat mester ser verifiká.

Di e persona natural ku ta bisa ku e ta aktua como representante di un otro persona natural òf persona hurídiko, e dunadó di servisio mester stipulá te na ki medida e persona natural ei ta outhorisá pa representá e otro persona (hurídiko). Den caso ku e persona natural ta bisa ku indirektamente e ta representá un persona hurídiko, e ora ei e kadena di outhorisashon di representantenan mester ser stipulá. Esaki por ehèmpel ta e caso si un persona natural indiká ku e ta aktua na nòmber di persona hurídiko A ku na su turno tambe ta gerente di persona hurídiko X.

Den tur caso e representante mester identifiká su mes serka e dunadó di servisio. E dunadó di servisio despues mester verifiká e identitat di e representante.

Kaminda un persona natural ta indiká ku e ta aktua pa su mes, rasonablemente hende por saka afó i aseptá ku ta asina. Sin embargo tin sirkunstanshanan imaginabel kaminda esaki no ta ser aseptá asina asina, por ehèmpel si tin duda òf despues si e cliente realmente ta aktua pa su mes. Duda asina por, por ehèmpel, ser kreá si diferente datonan di e investigashon di cliente difísilmente ta rima ku otro. Si por ehèmpel e deklarashon di e cliente tokante e orígen di medionan na promé instansia no ta mustra lógiko, e ora ei tin motibu pa mas investigashon detayá.

E ora ei por ta posibel ku un cliente ku ta un persona natural, ta ser kontrolá dor di un otro persona natural, un asina yamá konstrukshon di tapa kapa. Akinan personanan ta ser poní pa riba nan propio nòmber pero na benefisio di tercer personanan (kriminal) ehekutá transakshonnan. E echo ku un persona ku ta tapa kapa ta ser uzá, por ta un motibu pa indiká esaki como dunadó di servisio como un reakshon inusual serka FIU-NL (mira capítulo 8).

Si ta kla ku un cliente ta aktua na benefisio di un otro i tin un deklarashon di buena fe, e ora ei e otro persona tambe ta ser kalifiká como cliente i mester ehekutá investigashon di cliente di e persona akí.

6.7 Meta i naturalesa previsto (art. 2.2, punto dos, bou di c)

Den e investigashon di cliente tambe ta puntra pa informashon tokante e meta i e naturalesa previsto di e relashon komersial. E informashon disponibel ku tin di aber ku e meta i e sorto di relashon komersial ta kontribuí na mayor importansha na e evaluashon di riesgo di e cliente.

Un parti di e informashon nesesario por lo general lo bini dilanti durante e kontakto promé ku e relashon komersial. Tambe for di servisionan ku a ser hasí dor di e cliente, lo mustra kiko e meta di e relashon ta. Preguntanan adishonal por dirigí nan mes pa atkirí klaridat tokante e cliente di e servisio i ku e sumanan envolví ku e servisio. E siguiente preguntanan lo por ser puntrá akinan: Di unda e cliente ta bin? Dikon e cliente ta bin serka mi? Kiko e cliente ta spera di mi?

Den e kasos ku por ehèmpel un cliente internashonal, òf un cliente ku ta hasi uso di un struktura kompliká, ta ser investigá dicon e cliente aki ta hasi uso di e sorto di struktura òf dicon un cliente di eksterior ke hasi uso di un dunadó di servisio riba e islana-BES.

6.8 Fuente di e medionan (art. 2.2, di dos punto, bou di d)

Den e investigashon di cliente investigashon ta ser hasí na e fuente di medionan ku ta ser uzá serka un relashon komersial òf transakshon. Konkreto e investigashon akí ta dirigí su mes riba e fuente di e medionan ku ta ser utilisá na benefisio di e transakshon. E fuente di e medionan di e cliente mester ta fásil pa deklärá i e deklarashon mester ta aseptabel. Pensa aserka di e fuente di medionan por ehèmpel riba salario ku ta bin di trabou, invershonnán òf un herensia.

E dunadó di servisio ta hasi un kalkulashon basá riba riesgo pa stipulá kon leu e investigashon mester bai. Asina e investigashon ta ser hasí kon i ki ora un pago a ser ehekutá, por ehèmpel si ta papia aki di un pago kesh (grandi), pago di un tercer persona òf pago dor di un persona hurídiko di eksterior ku no ta afiliá.

E echo ku e sènnan ta originá for di un banko regulá no ta nifiká ku e fuente ta na òrdú i ku no mester hasi investigashon mas.

Pa stipulá e aseptashon di fuente di medionan legal, e siguiente kombinashonnan di indikatornan ta relevante a base di unda e profundidad di e investigashon na e fuente di e medionan ta ser determiná, entre otro:

- e suma ku tin di aber ku e transakshon òf servisio;
- e motibu di e orígen di e medionan duná dor di e cliente;
- edat i profesion òf aktividatnan di kompania di e cliente;
- pais di orígen òf destinashon di e medionan; i
- e servisio duná.

6.9 Investigashon di cliente simplifiká (art. 2.8 (nobo))

Otro for di antes, no tin den e Wwft BES aktual tipo spesifiko di cliente of servisionan ku por wòrdú aseptá ku un simpel investigashon di cliente. Un dunadó di servisio ainda por realisá un investigashon di cliente simplifiká, pero solamente si e relashon di negoshi, transakshon òf e cliente na su opinion tin un rísiko abou riba labamentu di plaka òf finansiamentu di terorismo.

Di ningun manera e investigashon di cliente no por keda atras, pero e intensidat ku kua e medidanan pa e investigashon di cliente ta wòrdú implementá, ta bai basá riba e rísiko ku ta bin ku e tipo di cliente, produpto, servisio, transakshon i kanalnan di entrega i ku paisnan òf teritorionan geográfiko. Un dunadó di servisio semper lo hasi un investigashon di rísiko di kaso pa kaso prome ku kuminsá ku un relashon di negoshi òf transakshon pa por huzga si tin sospecho di rísiko abou. Si tin eksistensia di un rísiko abou probá por tuma medidanan di investigashon di cliente simplifiká. Aki un dunadó di servisio ta tene kuenta por lo menos ku e faktornan di rísiko ku ta sigi den artíkulo 7, di dos punto, Regla Wwft BES, manera por ehempel polisanan di seguro di bida ku un prima abou.

E investigashon di cliente simplifiká ta ensera ku e dunadó di servisio probá lo kolekta suficiente informashonnan pa por determiná si un investigashon di cliente simplifiká ta suficiente. Tambe un dunadó di servisio meste tuma medidanan rasonabel pa e informashonnan kolektá por ta aktual i realmente bon hinká den otro i ku por wòrdú uza pa investigashon di cliente simplifiká. E rísiko ku ta bin ku e cliente por kambia durante e relashon di negoshi, por ehempel si e cliente bai biba den un pais di rísiko haltu. E ora ey meste wakte kon leu meste ehekutá un investigashon di cliente, manera ta saká for di artíkulo 2.2 òf un investigashon di cliente mas skérpi manera ta pará den artíkulo 2.2 òf un investigashon di cliente mas skérpi manera saká for di artíkulo 2.10.

Den kaso ku e dunadó di servisio tin indikashonnan ku e cliente ta envolví den labamentu di plaka òf finansiamentu di terorismo, no por keda limitá ku un investigashon di cliente simplifiká i mester ehekutá un investigashon di cliente manera ta saká for di artíkulo 2.2. òf un investigashon di cliente mas skérpi manera ta saká for di artíkulo 2.10

Finalmente un dunadó di servisio mester disponé di suficiente datonan den kaso kaminda investigashon di cliente simplifiká a ser apliká pa asina e por ta kapas pa indiká eventual transakahonnan inusual na FIU-NL.

Situashon seguronan di bida aktivo

Pa inisiá ku e Wwft BESS aktual, den algun kaso e investigashon di cliente simplifiká lo por ta suficiente, manera den kaso di seguronan di bida ku un sierito montante (pago di un bia so) na prima. Dunadónan di servisio meste investigá pa klientenan ya eksistente si e falnan ta kumpli ku e eksigensianan di e Wwft BES aktual. Den kaso di e investigashon di cliente simplifiká, e dunadó di servisio meste investigá si esaki ainda ta permití. Esaki ta enserá ku e dunadó di servisio meste tuma medidanan adishonal pa hasi e konosementu pa ku e klientenan i finalmente e personanan interesá mas grandi pa por determiná te kon leu por papia di un rísiko abou di labamentu di plaka òf finansiamentu di terorismo. Den sierito kasonan posiblemente lo no por asepta un investigashon di cliente simplifiká i un reevaluashon di di e fail di cliente lo bai na trabounan adishonal i investigashon adishonal di cliente. Den kasonan ku segun e dunadó di servisio por uza un investigashon di cliente simplifiká, AFM ta antisipá ku esaki ta demostrabel den e fail di e cliente.

6.10 Investigashon di cliente intensifiká (art. 2.10)

Un dunadó di servisio mester ehekutá investigashon intensifiká den kaso di un riesgo haltu riba labamentu di plaka òf finansiamentu di terorismo. E investigashon di cliente intensifiká mester ser ehekutá den kaso ku un relashon komersial òf sorto di transakshon ta representá un riesgo grandi i ora e pais kaminda e cliente ta bibá òf establecé òf tin su asiento ta trese un riesgo haltu kuné riba labamentu di plaka òf finansiamentu di terorismo. En relashon ku paisnan ku riesgo haltu, e dunadó di servisio por hasi uso di e fuentenan públiko akí.

Links pa páginan di web relevante ku fuentenan di paisnan ku riesgo haltu

Regulashon Oropéo: <https://eur-lex.europa.eu/homepage.html>

Informashon di Union Oropéo tokante AML/CFT inkluso tokante paisnan ku riesgo haltu:

https://ec.europa.eu/info/policies/justice-and-fundamental-rights/criminal-justice/anti-money-laundering-and-counter-terrorist-financing_en

FATF paisnan ku riesgo haltu: <http://www.fatf-gafi.org/countries/#high-risk>

EU non-cooperative tax jurisdictions: https://ec.europa.eu/taxation_customs/tax-common-eu-list_en

Paisnan di sankshon di Union Oropéo: <https://www.sanctionsmap.eu/#/main>

VN sankshonnan: <https://www.un.org/sc/suborg/en/sanctions/information>

Transparency International:

https://www.transparency.org/news/feature/corruption_perceptions_index_2017

Ta na e dunadó di servisio mes pa disidí pa kua transakshonnan i relashonnan komersial e investigashon di cliente intensifiká mester ser ehekutá. A base di e evaluashon di riesgo promé ku konsiderá un relashon komersial òf ehekushon di un transakshon, ta ser stipulá si e riesgo haltu ei ta manifestá su mes òf lo por manifestá. Ora ta disidí e rísikonan, e dunadó di servisio a lo menos ta tene kuenta ku e faktornan di rísiko, ku ta sigi den artíkulo 7, punto tres, Areglo Wwft BES.

Huntu ku e ehekushon di e investigashon di cliente for di artíkulo 2.2, promé punto, (mira paragraf 4.4 i siguiente) aun adishonal i investigashon di cliente mas amplio ta ser hasí ora di investigashon di cliente intensifiká. Aserka di eseí informashon adishonal ta ser puntrá tokante entre otro:

- e orígen di medionan di e cliente òf eventual e persona en kuestion na final;
- e ráson di e struktura di organisashon (den kaso di un persona hurídiko);
- e motibu real pa e servisio.

Kaminda ta relevante e cliente ta ser puntrá pa entregá informashon for di fuente fiel i independiente. Esaki por ta entre otro e siguiente informashon:

- akta di propiedat;
- akta di benta;
- kuentanan anual;
- informashon finansiero, manera por ehèmpel slipnan di salario;
- informashon di Departamento di Impuesto;
- informashon for di registranon di komèrsio òf otro registranon.

Tambe un investigashon amplio lo tuma lugá via internet i otro fuentenan habrí òf hasimentu di pregunta na koleganan for di e pais di orígen di e cliente.

Algun faktornan haltu di riesgo ku por bin dilanti serka mediadornan den seguronan di bida, ta (no limitá):

- e dunadó di servisio ta ser konfrontá ku e sirkunstanshanan ku e pólisa di e seguro di bida no ta ser poné riba nòmber di e derechohabiente real;
- e dunadó di servisio ta haña problema ku e indentifikasihon di e derechohabiente real i/òf ta konstatá iregulidat ora di e outoridat di e pólisa;
- e cliente ta informá serka e dunadó di servisio pa paga e premi na un manera desviante;
- un déposito grandi un solo bes riba un pólisa kaminda e fuente di medionan no ta claro;
- e premi ta ser pagá dor di un tercer partido ku no ta mustra di tin un relashon claro ku e cliente;
- den caso ku e pólisa ta ser será pa establesé un fiansa di sèn hipotekario: un diferensia grandi den e compra di e propiedat en komparashon ku e suma ku ta ser menshoná den e informe di taksashon.

Serka kompanianan di invershon i atministradornan di kapital e siguiente faktornan ku riesgo haltu por bin dilanti (no limitá):

- e posibilidad pa hasi pagonan na tercer personanan kaminda un kuenta di invershon ta ser usá como un kuenta di pago;
- kambia konstantemente e datonan di pago riba petishon di e cliente;
- tin falta di un meta ekónomiko pa e invershonn;
- por ehèmpel ta kousa pèrdida ku invershonn ku ta laga e cliente indiferente;
- e cliente ke invertí den térmico largo, pero ke bende e invershon den un kòrto tempu atrobe, sin rashonal ekónomiko i partikularmente den caso ku ta papia di pèrdidan grandi òf transakshonn halta.

6.10.1 Kliente ku físicamente no ta presente (art. 2.10, di dos punto)

Den caso ku un cliente no ta presente pa e verifikasihon di e identidat, e dunadó di servisio mester tuma medidanan èkstra pa kompensá e riesgo mas haltu. Esaki por por ehèmpel dor ku e dunadó di servisio ta puntra pa dokumentonan adishonal, datonan òf informashon pa verifiká e identidat di e cliente. Ta trata di dokumentashon komplemento riba e prueba di identifikasihon. Por trata tambe di un kombinashon di diferente dokumentonan. Por pensa riba kombinashonnan di estado di kuentanan bankario, kuentanan di gas i elektrisidat, slipnan di salario, i/òf kontrato di trabou.

Serka dokumentonan ku no ta oríginá di instanshanan di gobierno òf instanshanan hudisial, e dunadó di servisio lo tin ku puntra su mes si e dokumentonan ta suficiente konfiabel. Dokumentonan asina riba nan mes generalmente ta insuficiente pa verifiká e identidat riba un manera adekuá. Tambe e dunadó di servisio mester evaluá e dokumentonan entregá riba outentisidat.

E dunadó di servisionan por ehèmpel lo por puntra e cliente pa laga certifiká kopianan di e dokumentonan dor di un notario òf abogado.

E ‘kontròl di nòmber-number’ manera deskribí den artíkulo 2.10, segundo punto, part c, ta un método hopi usá pa verifiká e identidat di e cliente. Sinembargo pasó a base di artíkulo 2.4 e identidat di e cliente mester ser verifiká promé ku konsiderá un relashon komersial, e dunadó di trabou mester perkurá ku e promé pago na nòmber di e ‘kontròl di nòmber-number’ ta bai promé òf ta bai huntu ku e komienso di un relashon komersial i e servisionan di e cliente ta hasí. E promé pago mester oríginá di un kuenta ku ta riba nòmber di un cliente serka un banko den e paisnan di e Reino Hulandes, Estádos Unídos òf Canada.

6.10.2 PEP (art. 2.10, di tres punto (nobo))

Un riesgo haltu kaminda medidanan adishonal mester ser tumá, tambe ta na vigor den kasos un cliente (òf un beneficiario final) ta un PEP (politically exposed person). Un PEP por, otro foi prome, tambe por ta bibá na un di e islana BES (PEP interno) Si un cliente òf un ultimo beneficiario di un cliente ta un PEP ku no ta biba riba e islana BES, nos ta papia di un PEP externo. Tantu NRA BES como e imagen di seguridad BES ta spierta pa efektonan negativo di korupshon (polítiko) den Hulanda Karibense, prinsipalmente na Boneiru i Sint Eustatius. E rísikona riba interesnan konflikto malu ta wòrdú konsidera mas grandi serka funshanionan di gobièrnu, mandatarionan i politikonan. Den Hulanda Karibense, politikonan ta traha hopi bia part-time. Banda di nan funshan político, nan ta eherse hopi bia tambe un funshan den sektor privá i/òf nan tin un otro funshan pubblico. Pesey tin un diferensha grandi entre e elitenan ekonomiko i político den Hulanda Karibense. Esaki ta krea ekstra sensibilidat pa konfliktonan di interes.

E lista limitá di PEPnan a wòrdú saká for di den lei. Esaki ta enserá ku e dunadó di servisio mes meste averiguá ki ora un persona ta kualifiká pa un PEP. Esaki meste wòrdú inklui tambe den e maneho i proseduranan di e dunadó di servisio. Ta posibel ku un dunadó di servisio ta uza e lista balido anteriior aserka, pero un dunadó di servisio no por limitá su mes na e lista so mas. Adishonalmente un dunadó di servisio meste averiguá kua personanan den siero funshan meste wòrdú notá como PEP interno, manera entre otro e gezaghebber, e diputadonan òf personanan ku ta aktivo den política lokal.

Tambe e famianan direkto òf hendenan asosiá di e PEPnan meste ser konsiderá como PEP. Den kasos di familia i hende asosiá por trata tambe di personanan ku (otro for di PEP mes) no tin fama pubblico.

Komo miembranan di pariente di defuntu ta ser konsiderá:

- e kasá;
- un partner ku ta ser konsiderá segun lei nashonal igual ku un kasá;
- e yunan i nan kasá òf partners;
- e mayornan.

Komo esnan asosiá mas serka ta ser konsiderá:

- un persona natural di ken ta konosí, ku esaki huntu ku un persona ku ta okupá un funshan pubblico prominente òf a okupá ta e benefisario konhuntu en kuestion di entidatnan hurídiko òf konstrukshonnan hurídiko òf ku tin otro relashon komersial estrecho ku e persona ei;
- un persona natural ku ta e único benefisario di un entidat hurídiko òf konstrukshon hurídiko kaminda ta konosé ku, esaki a ser lantá na benefisio di e benefisario real di un persona ku ta okupá un funshan pubblico prominente òf a okupá.

Dunadónan di servisio mester disponé proseduranan ku ta basá riba riesgo pa stipulá si un cliente (pero en prinsipio un persona en kuestion na final tambe) ta un PEP. Pa disidí si un persona ta un PEP, un dunadó di servisio por konsultá fuentenan pubblico (manera internet) òf gana informashon serka un instansha den e pais kaminda e cliente en kuestion (òf e persona en kuestion na final) ta bini. FATF ta indiká ku stándar meste hasi mas investigashon di PEPnan eksterno.

E deshion pa konsiderá un relashon komersial ku un PEP mester ser tumá òf aprobá dor di gerente di e dunadó di servisio òf personanan ku a ser apoderá dor di e dunadó di servisio pa esaki. Mas aleu e dunadó di servisio mester averiguá kiko e fuente di e kapital di e PEP ta i tambe di e medionan ku ta ser usá serka e transakshon spesífiko òf relashon komersial. Serka di eseí e dunadó di servisio mester tene kontròl kontinuamente riba e relashon komersial ku e PEP pa mira si e, den lus di riesgonan di labamentu di plaka i finansiamentu di terorismo eventual, lo por ser kontinuá ainda. Si un cliente eksistente (òf un persona en kuestion na final) bira un PEP òf ta mustra di ta durante e relashon, ta rasonabel ku e dunadó di servisio ta perkurá ku e ta kumpli ku eksigensianan severo ku ta konta pa e PEPnan den un térmín o rasonabel ku tin di aber ku e relashon.

Ningun método por prevení ku un dunadó di servisio tin biaha,ounke medidanan rasonabel i adekuá, no ta rekonosé tal PEP (di biaha). Den liña ku un aserkamentu basá riba riesgo tambe en kuadro di PEP, ta importante ku un dunadó di servisio ta tuma esfuerzo rasonabel pa rekonosé un PEP i pa identifiká. Determinante pa e pregunta si a aktua konforme eksigensianan di lei, si e kalidat di e maneho desaroyá en kuadro ku PEP i e ehekushon di eseí, si por mira eseí for di stipulashon den e failnan di cliente.

Si e cliente òf e ultimo beneficiario di e cliente no ta PEP mas, ainda e medidanan skérpi ta wòrdú mantene 12 luna mas. Dentro di e rísiko ta pas pa mantene e medidanan te ora ku e cliente aki of e ultimo beneficiario no ta un rísiko grandi mas. Faktornan di rísiko ku ta wòrdú mirá aki ta e tipo di funshon ku e PEP tabata eherse prome i e nivel di influensia ku e persona aki ainda lo por ehersé despues di un funshon polítiko prominente.

6.11 Evaluashon di riesgo a base di e cliente (art. 2.2, di dos punto, bou di d, jo. art. 2.5 (nobo))

Dunadónan di servisio ta obligá pa traha un profil di riesgo di kada cliente unda nan ta konsiderá un relashon komersial (artíkulo 2.5). Pa e kos ei ta buska asina tantu informashon for di e investigashon di cliente pa tur faktornan di riesgo relevante por ser indentifikasiá i un imágen kompletu di e sierto relashon komersial òf transakshon mará por ser hañá.

Un dunadó di servisio meste tene kuenta na momentu di determiná e profil di e cliente por lo menos ku e faktornan di rísiko di artíkulo 7, prome punto, Areglo Wwft, ku ta;

- 1 e intenshon di un kuenta of un relashon;
- 2 e tamaño di e kolateral ku ta wòrdú depositá dor di un cliente òf e tamaño di e transakshonnan konkluí;
- 3 E frekuensiá òf durashon di e relashon komersial.

Na e faktornan di rísiko por duna un peso diferente, depende di nan interes relativo. Ku ayudo di informashon kompilá durante e investigashon di cliente un profil di riesgo di e cliente ta ser trahá. Aserka di esaki tur elementonan di e investigashon di cliente ta ser evaluá. Serka di un evaluashon di riesgo faktornan tambe ta ser pisá, manera e akitividatnan di kompania òf e funshon di e cliente, e pais kaminda ta biba òf e pais di establecimiento di e cliente i e persona en kuestion na final, e rásón di e servisionan pidí, i e fuente di e medionan. A base di e medionan públiko mester wak serka kada cliente si tin reportahe negativo a tuma lugá di e cliente den e último añanan, e persona en kuestion na final di e cliente òf representante.

A base di e evaluashon di riesgo klientenan por ser repartí den por ehèmpel profilnan di riesgo ‘abou’, ‘normal’ i ‘haltu’.

Kua informashon bo ta hiba ora di traha un profil di riesgo di e cliente?

- Bo sa ken e cliente ta? Kiko ta e aktividatnan (di kompania) di e cliente?
- Bo a kontrolá ken e persona en kuestion na final ta?
- Di ki manera e cliente a bin serka bo? El a ser introducí dor di un terser persona?
- Bo ta komprondé e struktura di interes di propiedat i poder di desishon di e cliente?
- Bo konosé e meta i e tipo di relashon? Bo sa dikon e cliente ta bin serka bo i e servisio ku ta ser pidí ta kuadra ku e cliente?
- E fuente di e medionan ta aseptabel?
- Bo a kontrolá si tin reportahe negativo di e cliente, representante i di e persona en kuestion na final?
- Bo a kontrolá si e cliente, representante òf persona en kuestion na final ta un PEP òf ta poné riba e lista di sankshon?
- E cliente òf e persona en kuestion na final ta bin di un pais di riesgo haltu?
- Tabata fásil pa obtené tur informashon di e cliente?

7 Kontròl kontinuo (art. 2.2, di dos punto, parti d, art. 2.5)

Artíkulo 2.2, di dos punto, parti d, ta nifiká ku e dunadó di servisio ta kontrolá periódicamente si e cliente ta kumpli ainda ku e perfil di riesgo, manera a ser stipulá na komienso di e servisio. E dunadó di servisio ta ehersé un kontròl kontinuamente riba e relashon komersial i e transakshonnan hasí durante e tempu di e relashon akí. Na e manera akí ta sigurá ku e transakshonnan ta kuadra ku e konosementu ku e dunadónan di servisio tin di e cliente i su perfil di riesgo i transakshonnan inusual por ser notá. Dunadónan di servisio tòg por nota transakshonnan inusual si nan tin un bon imágen di e cliente konserní. Den caso ku mira for di sierito transakshonnan ku e cliente ta desviá di e perfil, e dunadó di servisio mester averiguá kua riesgo esaki ta trese kuné i si e perfil di riesgo di e cliente mester ser kambiá riba esaki. Dependé di e klasifikashon di riesgo di e cliente, trahá dor di e dunadó di servisio, periódicamente mester mira si e cliente ta kumpli ku e perfil di riesgo ku a ser trahá. Ora di un kontròl periódico ta mira si señalnan eksterno por forma e motibu pa un kambio den e perfil di riesgo di e cliente, manera por ehèmpel reportahe negativo den media ofer di e cliente òf transakshonnan desviant. Serka di eseí e datonan ku a ser kolektá ora di e investigashon di cliente tambe ta ser tené aktual. E obligashon akí ta pone atenshon riba tene e datonan aktual, no riba remplasá kopianan di dokumentonan. Asina un kopia di un prueba di identifikasió no mester ser remplasá ora e tempu di valides di e prueba di identifikasió a vense. E ta trata tokante tene e datonan aktual ku por kambia, manera por ehèmpel un hende su pais di establecimientu òf aktividatnan di kompania.

E transakshonnan di i e servisionan na e cliente ta ser monitoriá kontinuamente. Den caso ku ripará ku sierito transakshonnan no ta kuadra den e perfil di riesgo trahá, ta averiguá kua riesgo esaki ta trese kuné. Tambe tur transakshonnan grandi inusual i kompliká i tur patronchi di transakshon inusual ku no tin un meta ekonómiko kla òf legítimo ta ser investigá. Den caso ku tal transakshon presentá su mes, henter e relashon komersial ku e cliente ta ser someté na un kontròl intensifiká. Eseí ta enserá ku mester mira e servisionan i transakshonnan anterior bon atrobe.

Monitoriá e relashon ku e cliente i e transakshonnan di e cliente por ser konkordá riba e sorte di relashon ku i e perfil di riesgo di e relashon. Pa sektor i pa producto esaki por ta diferente. Asina por pensa pa por ehèmpel pa produktonan di seguro di bida na un momentu di kontròl pa aña, por ehèmpel ora di pago di e preminan (anual), i e momentunan di kontròl ora di kambionan den e polisa òf benefisario.

8 Raportá transakshonnan inkomun (art. 3.5)

Un otro aspekto importante di e Wwft BES ta e obligashon pa rapportá transakshonnan inkomun. E dunadó di servisio ta investigá transakshonnan (intenshonal) si esakinan por ta inkomun pa prevení ku nan ta traha huntu pa labamentu di plaka. Si un transakshon mester ser notá como inkomun, ta ser stipulá ku ayudo a base di e Wwft BES su listanan di indikatornan trahá. E lista indikatorio aki a wòrdú adaptá ku yegada di e lista revisá Wwft BES, wak apèndis A di e regulashon Wwft BES. Asina ku un transakshon ta kumpli ku un òf mas indikator, e e dunadó di servisio direktamente mester notifiká e transakshon na FIU-NL.

Tambe un relashon komersial mester ser notifiká serka FIU-NL den caso ku e investigashon di cliente no a resultá na un resultado previso òf den caso ku e relashon komersial a ser terminá pasó no por kumpli ku e eksigensianan di e investigashon di cliente i ademas tin indikatornan ku e cliente konserní ta envolví den labamentu di plaka òf finansiamentu di terorismo.

Ta importante pa menshoná ku e dunadónan di servisio i e personanan ku ta trahando pa e dunadó di servisio ta obligá pa tene sekreto ku un notifikashon a ser hasí i ku, den caso ku ta nesesario, e FIU-NL a pidi informashon adishonal. Ta kastigabel pa informá personanan konserní òf terser personanan ora di un transakshon notifiká ku un notifikashon a ser hasí.

Notifikashon di transakshonnan inkomun mester a base di artíkulo 3.5, promé punto, tuma lugá direktamente despues ku e karakter inkomun di e transakshon ta konosí serka e dunadó di servisio. Den e formulashon akí ta tene kuenta ku e situashon kaminda e dunadó di servisio ta deskubrí te despues di un tempu lardu e karakter di un transakshon inkomun. Tòg ta remarkabel ku pa motibu di un di dos òf terser transakshon di un cliente, e dunadó di servisio ta bin sospechá ku e manera di aktua di e cliente posiblemente ta relashoná ku labamentu di plaka òf finansiamentu di terorismo. E ora ei numa e transakshon hasí anterior tambe ta bin para den un otro lus i esaki (ainda) mester ser notifiká direktamente. Esaki naturalmente no ta surgi serka transakshonnan ku a base di indikatornan objektivo mester ser notifiká. Aserka di esaki e echo ta ku e transakshon ku ta kai den e indikator di e situashon diseñá ta duna direktamente motibu pa notifiká. Riba e website di FIU-NL a splika kua stapnan bo mester tuma pa registrá bo mes como notifikador serka FIU-NL. AFM ta konsehá bo pa hasi esaki turesten, pa ora ku ta papia di transakshon inkomun, direktamente bo por hasi notifikashon di esaki.

Ehèmpel di un transakshon inkomun

Ta trata aki di un seguro di riesgo di fayesimentu ku ta ser será via un mediador den seguronan di bida pa establecimiento di un fiansa hipotekario.

E suma di benta di e edifisio konserní ta kosta USD 150.000. E taksadó a stipulá un balor riba mercado mas haltu pa e edifisio aki, esta USD 380.000. Pa motibu di e diferensia grandi e mediador konserní ta laga un otro taksadó ehekutá un taksashon. E baha aki tambe e balor riba mercado ta sali mas haltu (serka di e balor di taksashon anterior) ku e suma di benta. E mediador despues ta hasi pregunta serka e cliente ofer di e diferensia entre e suma di benta i e balor riba mercado. Komo deklarashon e cliente ta indiká ku ta trata di un señora grandi den eksterior ku ke deshasí lihé for di e kas. E mediador ta haña e deklarashon pa e diferensia den Preis no splikabel.

Esaki ta un ehèmpel di un transakshon inkomun ku mester ser notifiká serka FIU-Nederland, direktamente despues ku e karakter inkomun di e transakshon ta konosí serka e dunadó di servisio. Den e caso akí esaki ta e momentu kaminda e cliente ta bini ku un deklarashon inkreibel.

Otro ehèmpelman di posibel transakshonnan inkomun pa mediadornan den seguronan di bida

NB: No a menshoná sumanan pasó esaki mester ser stipulá dor di un dunadó di servisio a base di un propio analisashon

- Pa un solo baha un depósito inisial haltu òf depósito èkstra haltu riba e polisa.
- Pagonan di premi for di un pais ku ta ser mirá como un pais di riesgo haltu.
- Mudamentu di un tumadó di seguro, beneficiario òf pagadó di premi ku ta establecé òf bibá riba un isla-BES pa un pais ku ta ser mirá como un pais di riesgo haltu.
- Polisanan kumprá (suma di compra) ku a kana méños ku 3 año, ku un suma di resgate di [USD xx] òf mas i suma di resgate ku ta kosta 50% òf mas di e suma di e preminan pagá.
- E tumadó di seguro, beneficiario òf pagadó di premi ta un persona jurídico internashonal òf un persona natural ku no ta establecé òf bibá riba un isla-BES.
- Pagonan pa un solo baha di [USD xx] òf mas.
- Pagonan periódico anualmente di [USD xx] òf mas.
- Restitushon di premi suma di compra (pago no segurá di restitushon di premi) di [USD xx] òf mas.
- Polisanan ku den un término di preaviso legal (30 dia) ta ser terminá i kaminda ta papia di depósito di premi òf restitushon di premi di [USD xx] òf mas.
- Hipoteká òf kréditonan di e seguro pa un suma di [USD xx] òf mas, otro ku na benefisio di un fiansa di sén hipotekario.

9 Otro eksigensianan

9.1 Estudio (art. 3.12 (nobo))

Un dunadó di servisio mester perkurá pa su trahadónan, asina leu ku ta relevante pa e hersé nan tareanan, ta konosí ku e definishonnan di e Wwft BES i sigui estusionan periódicamente ku ta hasi nan kapas pa rekonosé un transakshon inkomun i realisá un investigashon di cliente bon i kompletu. Pa kompletá esey, awor tumadonan di desishon diario, te asina leu ku ta relevante, pa por eherse nan funshon meste sigi un kurso periodikamente. Pa sigui un estudio tokante e Wwft BES por ser konkordá riba e riesgo i e tipo i e grandura di e dunadó di servisio. Esei por nifiká ku e trahadónan di un dunadó di servisio kaminda tres hende ta traha i únikamente ta brinda servisionan den Hulanda Karibense, por sigui un estudio Wwft BES ménos intensivo ku e trinta trahadónan di un dunadó di servisio ku tambe ta brinda servisionan pafó di Hulanda Karibense.

9.2 Registrá i warda datonan di un investigashon di cliente (art. 2.13)

Stipulashon di e datonan di e cliente i e servisio ta un obligashon importante for di e Wwft BES. E datonan for di e investigashon di cliente i e servisio mester ser stipulá pa duna esaki na FIU-NL ora un notifikasiashon ta ser ehekutá, òf ora mester kumpli ku un petishon di e supervisor, e FIU-NL òf un instansha di investigashon.

Tur datonan i dokumentonan ku a ser usá pa e investigashon di cliente ta ser stipulá pa asina e informashon ta disponibel (interno, pero tambe pa tercer personanan). Pa kumpli na un manera eficiente ku e obligashon pa stipulashon di e datonan di identifikasiashon un kopia di e documento, ku ayudo kaminda e identifikasiashon a tuma lugá, por ser stipulá. Si eseí no ta posibel e datonan di e documento ta ser stipulá, ku ayudo kaminda e identidad a ser verifiká. Esei ta e sorto, e number i fecha i lugá di repartishon di e documento i tambe e sorto di servisio. Serka di eseí e nòmber, e adrès i e lugá di biba, tambe e lugá di establecimiento di e cliente mester ser stipulá. E informashon akí tambe mester ser stipulá pa e personanan en kuestión na final, representantenan, esun riba kende su nòmber un pago òf transakshon a ser ehekutá, i riba kende su nòmber un kuenta a ser hasí, den kaso ku tin eseí.

E datonan ta ser wardá na un manera aksesibel te ku sinku aña despues di terminashon di e relashon komersial òf ehekushon di e transakshon. E mesun kos ta konta pa datonan ku tin aber ku notifikasiashon di un transakshon inkomun intenshonalmente ehekutá. E datonan ku ta ser mandá ora di un notifikasiashon i e konfirmashon di e FIU-NL, ta ser wardá durante sinku aña despues di un notifikasiashon, na tal manera ku e transakshon konserní ta rekonstruibel (artíkulo 3.5, di tres punto).

10 Regulashon di Sankshon (art. 3.13)

Internashonal i nashonal sankshonnan polítiko, ekonómiko, finansiero i otro sankshonnan ta ser imponé riba paisnan i hurisdikshonnan, agrupashonnan, entidatnan i personanan (hurídiko). Ehèmpelnan ta: Nort-Korea den kuadro di proliferashon di armanan nuklear i Al-Qa'ida i e Taliban debí na nan aktividadnan terorista. E sankshonnan internashonal mas komun ku ta di importansia pa e islana-BES ta e sankshonnan ku dor di EU a ser stipulá mayoria bes siguiendo ehèmpel di Nashonnan Uní. E sankshonnan-EU tin un funshon direkto ku tur residente di e islana-BES. Kompanianan finansiero mester, a base di e regulashonnan di sankshon-EU akí, i e Regulashon di Sankshon BES, tuma medidana nesesario pa prevení ku nan ta violá sankshonnan (inter) nashonal.

Generalmente e sankshonnan ta eksistí for di un prohibishon pa brinda servisionan finansiero na personanan (hurídiko) ku sankshon i entidatnan i un mandato pa fris saldo positivo disponibel di e partidonan akí. E personanan ku sankshon, pa asina leu ku a ser indiká dor di EU, ta pará riba e listanan di sankshon EU.

En todo kaso ta obligatorio pa kontrolá e lista di sankshon di Nashonnan Uní, EU i Hulanda. Mirando e echo ku e islana-BES geográficamente ta keda serka di Merka, ta rekomendabel pa screen e listanan di sankshon-OFAC di Merka tambe.

Serka di e sankshonnan internashonal tambe sa resultá ku e gobiernu Hulandes ta proklamá sankshonnan nashonal ku ta konta pa Hulanda, inkluso e islana-BES.

Links pa saitnan di web ku informashon tokante sankshonnan

Listanan di sankshon EU: https://eeas.europa.eu/topics/sanctions-policy/8442/consolidated-list-of-sanctions_en

Paisnan ku sankshon EU i dekretonan di sankshon EU: <https://www.sanctionsmap.eu/#/main>

Listanan di sankshon di Nashonnan Uní: <https://www.un.org/sc/suborg/en/sanctions/un-sc-consolidated-list>

Lista di sankshon Hulandes:
<https://www.rijksoverheid.nl/documenten/rapporten/2015/08/27/nationale-terrorismelijst>

Listanan di sankshon OFAC: <https://www.treasury.gov/resource-center/sanctions/Pages/default.aspx>

10.1 Obligashonnan di kompanianan finansiero

Artíkulo 3.13 ta proveé pa kompanianan finansiero den un deber di notifikashon relatá na e Lei di Sankshon 1977 i e Regulashon di Sankshon BES. Kompanianan finansiero mester tuma medidanan pa kumpli ku e stipulashonnan di e regulashon di sankshon. E medidanan ku mester ser tumá mester por lo mémos mira riba un kontròl adekuá di e administrashon riba e identifikasišon di relashonnan ku ta kuadra ku personanan (hurídiko) i entidatnan manera kemen den e regulashon di sankshon ku bista riba e frismentu di medionan finansiero di e relashon ei i prevenshon di e disponibildat di medionan finansiero òf servisionan na e relashon ei.

Bou di e térmico ‘relashon’ kemen kada ken ku ta envolví den un servisio finansiero òf un transakshon finansiero. Ku esaki kemen e klientenan di un dunadó di servisio, e benefisarionan di un transakshon òf produkto, e persona en kuestion na final di medionan finansiero, i e otro partido ora di un transakshon òf produkto finansiero. E dunadó di servisio mester duna responsabilisashon ku apoderadonan por tin aksesu na kuentanan i/òf medionan finansiero.

Den caso ku ta papia di un semehansa entre un relashon di e dunadó di servisio i un persona (hurídiko) òf entidat ku ta bin dilanti den e regulashonnan di sankshon (un asina yamá ‘hit’), e ora ei e dunadó di servisio ta fris e saldo positivo disponibel di e relashon akí direktamente, e ta tene su mes for di servisio siguiente i ta notifiká esaki mesora na **De Nederlandsche Bank (DNB)**. Einan ta hasi uso di e [Meldformat](#) stipulá.

Otro for di notifikashonnan di transakshonnan inkomun e notifikashonnan akí mester ser hasí na DNB. E deber di notifiká di e artíkulo aki ta wak riba saldo positivo ku a base di e regulashon di sankshon mester fris.

Ku e fasilitashon di datonan, minimalmente kemen, entrega di datonan tokante e identifikasišon di e relashon, ku a base di e kumplimentu di e lei akí ta stipulá, un relato di e grandura di e saldo di fris, un relato di e number di e kuenta di sèn, kuenta di papelhan di balor òf kuenta di invershonianan tambe, pa asina leu ku ta aplikabel un deskripshon kòrtiku di e sorto di relashon presisamente i un relato di nòmber, adrès i number di telefòn di e persona di kontakto di e dunadó di trabou. Tambe mester ser indiká a base di kua regulashon di sankshon a aktua.

Pa sigurá ku informashon relevante tokante e relashon notifiká, ta keda disponibel serka un dunadó di trabou, tambe mester keda warda huntu ku e datonan di e notifikashon, e datonan di kuenta i datonan di transakshon pa loke ta konserní e relashon ei. E obligashon di warda ta impliká tambe e wardamentu di datonan como konsekuensia di eventual kambionan den e datonan pasó un eksepshon ta aplikabel a base di e regulashon di sankshon. Un ehèmpel di un eksepshon ta un dispensashon òf apoderashon ku a ser duná pa un kambio riba e kuenta konserní ser ehekutá. E stipulashon akí ta pèrkurá solamente pa datonan di kuenta i datonan di transakshon di relashonnan ku ta semehante ku un persona (hurídiko) òf entidat, menshoná den e regulashon di sankshon.

DNB por puntra informashon serka un dunadó di servisio tokante e kumplimentu di e artíkulo akí. E outoridat akí no ta kita e outoridatnan ku konforme kapítulo 5 a ser duná na AFM en relashon ku e otro eksigensianan di e Wwft BES.

Esaki ta enserá por ehèmpel ku DNB semper por informá serka un dunadó di servisio pa medionan finansiero di fris i transakshonnan ku a tuma lugá. Petishonnan asina aki por ser hasí durante e regulashon di sankshon ku ta na vigor pero tambe despues. Tòg, despues di hala aden òf no laga e sierito medida di sankshon drenta na vigor generalmente e balansa mester ser trahá di por ehèmpel e kantidat di medionan finansiero di fris riba nivel internashonal. Esei ta hasi’necesario pa komo dunadó di servisio pa ta kapas pa duna informashon na DNB, tokante e medionan finansiero di fris, inkluso datonan di transakshon, te ku sinku aña despues ku un regulashon di sankshon no ta na vigor mas òf no ta funshoná mas.

**Autoriteit Financiële Markten**

PO Box 11723 | 1001 GS Amsterdam

Telefon

+31 20 797 2000

Faks

+31 20 797 3800

www.afm.nl

Sigi nos: →



E teksto di e publikashon aki a wòrdú hinká den otro kuidadosamente i ta di índole informativo. Bo no por deriva ningun derecho foi dje. Dor di kambio di lei i legislashon riba tereno nashonal i internashonal por ta posibel ku e teksto no ta aktualisá na momentu ku bo ta lesa esaki. Autoriteit Financiële Markten (AFM) no ta responsabel pa eventual konsekuensianan - por ehempel pérdidanan ku ser hibá òf pérdida di ganashi – ku ta resultá dor òf den relashon ku akshonnan tumá relashoná ku e teksto aki.

© Copyright AFM 2021
tur derechi reservá